



拜溪王

天災地變頭苦憐係百姓，像成過个八七水災、像雲林縣口湖在一八四五年做颱風拚大雨兼海水倒灌死三千外人，摺加上瘟疫又死三千外個。所以做大水不時係古早人个惡夢。當人類堵著無法度對抗个天災時，即會拜自然界神明。像廣東客人拜三山國王，無共款所在拜無共款个神。有个雕神來拜，有个係無形無像个。在雲林縣三和村深坑莊嘛有一個拜溪王个風俗。祈求溪神保護莊底个人會用平安順序，今年會用順風順雨安心過日。

深坑个百姓蹣在新虎尾溪脣，田攏作在溪个下裡向。成過無橋，作穡攏愛蹠溪，溪水大个時，連人都企毋會在，甚至人會得佢流去。古早个虎尾溪即像老虎个尾，撥來撥去無定著，一直改水路，對百姓个生命和財產真無保障。若堵著落大雨做大水，溪水滿出來，泥埧屋嘛會溶去，財產流淨淨，較食力兜連棺樵都會流流去。

深坑這個莊頭大部分攏係姓廖，在十二代祖先个時來到這個所在開墾，食新虎尾溪个水在這生活。毋過，溪水若撞著做颱風落大雨即會做大水，蔭到歸莊頭。一八九八年八月時，連續落幾下日大雨，濁水溪滿出來，加上佢个支流清水溪上頭个草嶺潭砌墜崩去，深坑莊頭做大水。莊底个人無奈何，想討轉長山請地理先生清官仙過來鬥相共。即按四個人一組對彰化大城鄉臺西村出海去請清官仙。清官仙來了後，經个指示莊愛拜溪王和立擋水个石敢當。

拜石敢當、祭溪王个風俗即按流傳到今。逐年八月半和三十夜，歸莊頭个人攏真誠懇擔著牲儀和擲果子去祭拜。人人手底一枝香，祈求風調雨順、國泰民安、四時無災、五穀豐收……閤家平安。現時溪墜做好啊，毋會摺有做大水个苦難，毋過百姓猶係懷著感恩心逐年拜溪王。這條溪嘛係大家做細子時賞寮个好所在，溪底有算毋會清个魚、蝦、蚬子、田螺。所以在二〇一二年，招就近六間國小个小學生作埕來放一萬五千尾个南洋鯽，希望虎尾溪有一日係大家个生態河濱公園。透過拜溪王，保留僑人祖先勤儉傳家、敬天愛地个精神。

作者：李秉璋

☆詞彙學習☆

- | | |
|---|---|
| 【苦憐】ku ^ˊ lien ^ˋ ：可憐。 | 【棺樵】guan ^ˊ cio ^ˋ ：棺材。 |
| 【惡夢】oo ^ˊ mong：噩夢、夢中常受驚恐。 | 【撞著】cong choo：遇到。 |
| 【下裡】ha ^ˊ le ^ˋ ：方位名稱，指的是南邊、南方。 | 【蔭】rhim ^ˊ ：淹，指開水災。 |
| 【蹠溪】leeu ^ˊ ke ^ˊ ：從溪中涉水而過。 | 【砌墜】boo ^ˊ shin ^ˋ ：隄防。 |
| 【企毋會在】ki ^ˊ m ^ˊ moi zai：站立不穩。 | 【崩去】ben ^ˊ kui ^ˋ ：崩潰，指隄防崩塌毀壞。 |
| 【改水路】goi ^ˋ fi ^ˋ lu：河流改道。 | 【長山】chong ^ˋ san ^ˊ ：舊時稱中國大陸為長山或「唐山」。 |
| 【保障】boo ^ˋ zhong ^ˋ ：保護、屏障免受危害。 | 【仙】sien ^ˊ ：對風水師、醫師等的尊稱。 |
| 【泥埧屋】ni ^ˋ goo ^ˊ bbu ^ˊ ：就地取材，到田裡挖起黏性泥土，混以牛糞、稻草、粗糠等物一起充分攪拌，再倒入方形模具中，待泥土陰乾後用牛車載回家做蓋房子的材料，等牆壁築好後，上覆以茅草屋頂，就是茅茨土屋。 | 【牲儀】sen ^ˊ ngi ^ˋ ：以牛、羊、豬等牲口當祭品。 |
| | 【手底】shiu ^ˋ de ^ˋ ：手中。 |
| | 【溪墜】ke ^ˊ shin ^ˋ ：溪流的隄防。 |